



Publicaziuns dalla vischnaunca, jamna 45

Lubientschas da baghegiar

L'istanza da baghegiar ha concediu suandontas lubientschas da baghegiar:

Nr. 2017 – 1012.000

Christian Schuoler-Müller, Via Veier 4, 7180 Disentis/Mustér; midada d'intent per diever sco magasin tenor dretg funsil puril, parcella 3455, Caprau, 7180 Disentis/Mustér.

Nr. 2017 – 1018.000

Urs ed Anita Zäh-Seiler, Sonneggstrasse 50, 8006 Turitg; midada d'intent, novas localitads da habitar, procedura posteriura, parcella 722, Via Lucmagn 3, 7180 Disentis/Mustér.

Uffeci da baghegiar Disentis/Mustér

Cussegl da vischnaunca

Il cussegl da vischnaunca seraduna **gievgia, ils 16 da november 2017**, allas 20.15 en casa communal.

Tractandas:

1. Protocol 7-2017/2020
2. Preventiv 2018 (messadi nr. 12-2017/2020)

Il president dil cussegl da vischnaunca

Fiera Sogn Martin

Gliendisdis, ils 13 da november 2017 ha liug sco mintg'onn l'usitada fiera da Sogn Martin. Ils stans vegnan endrizzai sin la Via Lucmagn ed eventualmein sin la Via da Scola e la Via Cons.

Las preparativas entras la vischnaunca entscheivan quei di allas 5.00 e la fiera ha liug naven dallas 8.00–18.00. Silsuenter setracta ei da far uorden, quei che cuoza entochen ca. allas 19.00.

Per evitar incaps supplichein nus las fatschentas el contuorn dils stans da fiera, sche pusseivel da buca schar vegnir quei di autos cun pli grondas furniziuns. Nus engraziein grondamein per la capientscha.

Uffeci da baghegiar

Lavurs da reparatura vid vias d'uau e funsilas

Via Runfoppa

Muort lavurs da reparatura vid punts e mirs da sustegn per liung dalla via d'uau Runfoppa vegn la via serrada naven dils 6 da november entochen ils 17 da november 2017 per tut traffic motorisau. Per velos e pedunzs ei igl access daus da tut temps.

Via Cavorgia

En consequenza da reparaturas vid la via funsila a Cavorgia (avon e suenter la punt dil Rein) vegn la via serrada naven dils 13 da november entochen ils 24 da november 2017 per tut traffic motorisau. Per velos e pedunzs ei igl access da tut temps pusseivels.

Nus supplichein da prender enconuschientscha da quests avis. Bien engraziament per la capientscha Disentis/Mustér, ils 3 da november 2017.

Uffeci forestal Disentis/Mustér



Seivs mobilas per la pasculaziun

Tenor art. 75, al. 1 dalla lescha da baghegiar ston seivs mobilas vegnir allontanadas immediatmein suenter la pasculaziun. Quei vala era per seivs da gatter. Las seivs buc allontanadas vegnan pridas naven senza avisar ils pertuccai sin donn e cuost dil proprietari da terren.

Nus supplichein da prender enconuschientscha da quei fatg e d'instradar las mesiras prescettas.
Disentis/Mustér, november 2017

Uffeci da baghegiar

Tagliar caglias e plontas

Tenor art. 75, al. 4 dalla lescha da baghegiar astgan plontas buca disturbar la vischinonza ni la segirtad publica. Per liung dallas vias publicas e privatas sco era sendas ein tuttas caglias e plontas da tagliar anavos, aschia che nuot survarga il cunfin (era buca suenter ch'ei ha neviu). Quellas lavurs ston esser finidas sil pli tard entochen la **fin da november 2017**. En cass che las caglias e plontas vegnan buca tagliadas anavos enteifer il termin fixau, vegnan quellas lavurs exequidas entras il survetsch tecnic dalla vischnaunca cun adossar ils cuosts als proprietaris.

Uffeci da baghegiar Disentis/Mustér

Adatg – Serrada dalla Via Lucmagn

Pervia da lavurs da notg vid ils differents conducts da canalisaziun ed il scaldament lontan sto la Via Lucmagn vegnir serrada naven dalla sbuccada Via Raveras entochen alla sbuccada Via dalla Staziun, mintgamai la sera naven dallas 19.30 entochen la damaun allas 5.00, e quei suandontas notgs:

gliendisdis, ils 13 sin mardis, ils 14 da november 2017

mardis, ils 14 sin mesjamna, ils 15 da november 2017

mesjamna, ils 15 sin gievgia, ils 16 da november 2017

In sviament dil plazzal per vehichels cun ina peisa da maximalmein 18 tonnas ei pusseivels sur la Via Raveras–Via Cavardiras–Via dalla Staziun. Ils utilisaders dallas vias ein supplicai da risguardar las signalisaziuns corrispundentas.

Las interpresas da construcziun ein avisadas da tener il disturbi aschi pigns sco pusseivels. Als vischins pertuccai engraziein nus cordialmein per la capientscha ch'els demuossan enviers las immissiuns che selain deplorablamein buc evitar.

Uffeci da baghegiar Disentis/Mustér

Controlla da habitonts

Mortori

Lui Bearth-Lutz, naschius ils 23 da zercladur 1941, morts ils 2 da november 2017

Controlla da habitonts

Sebasond sin art. 13 entochen 17 dalla lescha cantunala davart ils registers d'habitontas e d'habitonts e davart ulteriurs registers da personas e d'objects, supplichein nus da risguardar sundontas prescripziuns:

Obligaziun d'annunzia/deponer las scartiras

Tgi che pren domicil en nossa vischnaunca ha d'annunziar si'arrivada enteifer 14 dis tier la controlla da habitonts Disentis/Mustér. Per l'annunzia ei da deponer il scret da patria ni en cass motivai sco dimorant durant la jamna in attest da domicil. Per personas ch'ein buca da naziunalitad svizra ein il passaport ni la carta d'identitad, ina confirmaziun dalla cassa da malsaus svizra e sche gia avon maun, la lubientscha da jasters, necessaris.



Partenza/midadas d'adresses

Persunas che bandunan nossa vischnaunca ein obligadas d'annunziar lur partenza **ordavon** cun retrer lur scartiras tier l'administraziun communal. El medem mument ei la retschevida dallas scartiras da returnar. Midadas d'adresa enteifer la vischnaunca ein d'annunziar all'administraziun communal enteifer 14 dis. Questa obligaziun d'annunzia vala era per midar adresa enteifer il medem edifeci.

Locataris

Locataris da habitaziuns e casas ein obligai d'annunziar mintg'arrivada ni partenza d'affittaders enteifer 14 dis all'administraziun communal.

Commerci

Tgi ch'arva ni siara ina fatschenta ni in menaschi commercial ei obligaus d'annunziar quei fatg enteifer 14 dis all'administraziun communal.

Lubientscha da jasters

Persunas digl'exteriur ston inoltrar ad uras all'administraziun communal la damonda da prolungir la lubientscha da dimora.

Formulars

Differents formulars per far las annunzias alla controlla da habitonts anfleis Vus sin nossa pagina d'internet www.disentis.ch/downloads/spurtegl-virtual/controlladahabitonts/
Bien engraziament per Vossa cooperaziun.

Administraziun communal Disentis/Mustér

Oz en biblioteca!

Kino da cudischs da maletgs cun Mats, la miur

Has ti plascher da vegnir en biblioteca e tedlar marvegliusas historias ord cudischs da maletgs?

Mintga secund venderdis dil meins allas 14.30 legin nus avon e mussein vid ina gronda preit ils maletgs ord in cudisch da maletgs. L'occurrenza cuoza ca. in'ura ed ei adattada per tut ils affons che san gia tedlar tier bein. Naturalmein astgas ti era prender cun tei tia mumma ni in'otra persuna. Nus selegrein zun fetg sin tei!

*Mats, la miur ed il team dalla Biblioteca populara
Disentis/Mustér e contuorn*

Cinema Salaplauna

«Die göttliche Ordnung» (Schweiz, 2017)

Mittwoch, 15. November, Filmstart 20 Uhr, Center sursilvan d'agricultura, Disentis/Mustér

1971: Von Männern gemacht und hochgehalten, schien «Die göttliche Ordnung» unanfechtbar. In Europa war das Frauenstimmrecht hingegen bereits eingeführt. Petra Volpe hat über aufmüpfige Frauen im Appenzellerischen, die sich für das Frauenstimmrecht einsetzten, ohne selber abstimmen zu können, einen Spielfilm gedreht. Türöffnung 19.30 Uhr, Filmstart 20 Uhr, Eintritt frei, Kollekte.

Uniun da dunnas Disentis/Mustér

Tri tra trallala, il casparet vegn puspei

Bugen envidein nus tut ils affons en accumpignament dad ina persuna carschida ad in teater da casparet. Il toc senumna «Casparet ed il spért» e ha liug **mesjamna, ils 15 da november 2017** allas 14.30 el Center d'agricultura Surselva a Salaplauna. Silsunter dat ei ina pintga sorpresa pils affons e stiva da caffè. Nus selegrein sin vossa viseta! Cordialmein envida

l'uniun da dunnas Disentis/Mustér, ressort affons



Secziun da catschadurs Péz Alpetta

Sonda, ils 11 da november allas 17.00 uras ha liug la messa da s. Hubertus en baselgia s. Gions. Suenter messa ei in e scadin cordialmein envidaus ad in apero en halla Cons. Naven dallas 19.15 ha liug per ils commembers dalla secziun da catschadurs Péz Alpetta la sera famigliara el Center sursilvan d'agricultura.

Cordialmein envida la suprastonza dalla secziun da catschadurs Péz Alpetta.

Invitaziun Seniora-CaNorta (star da cumpignia – giugs – raschunar)

Gievgia, ils 16 da november 2017

Il liug da sentupada per seniors/senioras, **mintgamai la tiarza gievgia dil meins** allas 12.15 meisa da miez-di (mira giusut) ni allas 13.30 star da cumpignia, discuors, giugs (troccas, jass, sudoku)... ni pli tard per ina cuorta sentupada.

Meisa da miezdi organisada da Seniora-Ca e Puntreis

Entschatta: allas 12.15 en Puntreis

Gentar cun treis tratgas inclusiv 3 dl aua dalla spina ed in caffè. Annunzia entochen allas 9.00 dil di a Puntreis (tel. 081 929 56 56)

La meisa da miezdi ei aviarta per mintgin e mintgina.

Post d'informaziun Seniora-Ca

Uniun samaritana Mustér

Nies proxim exercezi meinsil ha liug ils **13 da november 2017** el Center Aua Viva a Raveras/Mustér.

Tema: Referat da dr. Hans Jacomet

Uras: 19.30

Selegroind sin ina interessanta sera envidel a stedia participaziun.

Uniun samaritana Mustér, menadra tecnic

Pro Juventute Cadi

Di dil dretg dils affons internaziunal 20-11-2017, a Mustér. Kino: «Gregs Tagebuch 4 – Böse Falle» (gratuit) **mesjamna, ils 22-11-2017**, allas 13.45 en halla Cons.

Vischinadi d'Acletta

Radunonza generala dil vischinadi d'Acletta

dumengia, ils 19 da november 2017, allas 14.00 ella «Stiva Sogn Placi» en sala reservada pil vischinadi d'Acletta. Suenter la radunonza envida la suprastonza las convischinas ed ils convischins tier ina viseta communabla el museum. Alla fin serendin nus ella «Stiva Sogn Placi» tier petta e caffè.

Tractandas

1. Beinvegna
2. Elecziun dils dumbravuschs
3. Prelecziun ed approbaziun dil protocol
4. Rapport annual dil president
5. Render quen, rapport dils revisurs
6. Elecziuns
7. Program da lavur
8. Varia



La suprastonza selegra sin Vossa participaziun.

La suprastonza dil vischinadi d'Acletta

Schafwoll-Annahme Herbst 2017

Ilanz **Samstag 25.11.2017**, 13 bis 15 Uhr Werkhof Ilanz
Disentis **Samstag, 2.12.2017**, 9 bis 11 Uhr Barit Baubedarf Segnas

Devoziun e sentupada d'avent

La gruppa dil Salid dil Segner ensemen cul vischinadi Segnas, Mompé Tujetsch envidan in e scadin alla devoziun e sentupada d'avent **dumengia, ils 3 da december 2017** allas 17.00 en baselgia a Segnas. Nus annunziain uonn igl advent cun ina historia da Nadal e cun decorar ensemen il pigniel avon la baselgia a Segnas. La decoraziun ei vegnida fatga dils affons dallas devoziuns dil Salid dil Segner e dils affons dil vischinadi Segnas, Mompé Tujetsch. Suentar la devoziun en baselgia fagein nus in til da latiarnas entochen giu el clavau da sentupada sper via. Leu dat ei in pign pushegn per mintgin. Nus selegrein sin ina biala devoziun e sentupada d'avent ensemen cun Vus!
